



Fasnachtsplakette 2009:

Jetzt simmer laggiert!

Fir d Blagette, wo jetz am Graage
e jeedi und jeede sott draage,
het dr Kinschtler seer vyl iberleggt.
Er haisst Roger Sigrist, e Junge.
Sy Kunschtwärgg isch mee als nuur glunge:
Doo hämmer e Gliggsfall entdeggt.
Zeerscht gseet men uff dääre Blagette
die Laarve, wo gmoolt wäärde wette
und drunder dr Mooler, wo moolt.
Mit Bämsle und Gratze und Glääbe
bikemme die Gsichter jetz Lääbe,
und glyy wäärden alli scho ghoolt.
Fir dass aber nyt duet verheie,
im Fall s kunnt scho schiffe und schneie
und s Gsicht nit d Visage verliert
duet men alles no guet impregniere
bis d Laarve denn froo jubiliere:
S isch guet soo: **JETZ SIMMER LAGGIERT!**
Laggiert simmer alli, muesch wisse.
Laggiert haisst drum au: Mer sinn bschisse,
und daas hämmer s letscht Joor jo gspyyrt.
Was d Bange und d Wirtschaft is bschäärt hänn,
d Babyyr, wo kai Santym me wäärt hänn,
und kain me, wo ebbis verstyirt.
Doch daas, wo dr Wäärt no ka bhalte,
und s Portefeuille no poositiv gsalte,
isch s faasnächtlig Eedelmetall:
D Blagette muesch kaufe und sammle,
denn die wird uff kai Fall vergammle.
Und s Comité danggt jeedefall!